

C O L L E C T I O
T H E S I U M Q U Æ
R E G I I S I N S C H O L I S
C H I R U R G O R U M H A B I T Æ
F U E R U N T A B A N N O
I 7 7 1 U S Q U E A D
A N N U M I 7 8 0



COLLECTIO

THESE

REGES IN

CHRISTIANIS

REPUBLICA


1771

1770



I 77 I





4


DE FRACTURA
COLLI FEMORIS,
THESES
ANATOMICÆ ET CHIRURGICÆ,

Quas, DEO JUVANTE & Præside M. TUSSANO
BORDENAVE, Artium & Chirurgiæ Magistro,
Scholarum Præposito, Professore Regio, Regiæ Chi-
rurgiæ Academiæ pro commercio extraneo Secretario,
Scientiarum Academiæ Rhotomagensis, nec non Flo-
rentinæ Socio, *tueri conabitur*, ANTONIUS RUFIN,
è Montillio Ademari, Artium Liberalium Magister.

P A R I S I I S,
IN REGIIS CHIRURGORUM SCHOLIS,

Die sabbati sextâ Julii, à sesqui-Secundâ post meridiem ad septimam
A. R. S. H. 1771.

PRO ACTU PUBLICO
ET
MAGISTERII LAUREA.



Typis P. AL. LE PRIEUR, Regii Chirurg. Collegii
Typographi.

M. DCC. LXXI.

DE FRACTURA

COLLI-FEMORIS.

THESES

ANATOMICA ET CHIRURGICA.

Quas, Dno Juvenat & Fracdo M. TUSSANO
BORDENAVE, Auctori & Chirurgico Magistro,
Scholae, Praeceptoris, Praeceptoris Regio, Regis Col-
legii Academiæ pro consensu extraneo Secretario,
Scientiarum Academiae Anatomicae, nec non
Scientiarum Societatis, cuius coram, Antonio Ruffo,
Medico Auctori, Auctori Librarius, Magister.

IN REGIS CHIRURGICORUM SCHOLIS.

DE FRACTURA COLLI-FEMORIS.

PERO ACTU PUBLICO

ET


MAGISTERII LAUREA



Typis P. A. de Piazzi, Regis Chirurg. Collegii
Typographi.

M. DCC. LXXI.

A



D. O. M.
DE
FRACTURA
COLLI FEMORIS.
THESES
ANATOMICÆ ET CHIRURGICÆ.

OSSA, præ cæteris corporis partibus dura & compacta, eleganti apparatu diversimodè inter se ita disponuntur, ut dum non-nulla exquisitâ ordinatione visceribus plerisque propugnaculum præstant & tutamen, alia simpliciore fabricâ partibus mollibus sustentaculum & figuram, musculis directionem, toti denique corpori fulcrum præbeant. Non satis

ergo miranda egregia illa ossium dispositio, quâ, dum firmatur corpus, ad varios & multiplices motus etiam comparatur; sic quæ spontè moveri, diversas actiones ad vitam & usus extraneos necessarias adimplere, imò ex uno loco ad alterum transferri valet. Si motibus innumeris, exquisitis, unoquoque instanti inter se pro voluntate discrepantibus, fortioribus modò, modò levioribus, gaudent extrema superiora & præsertim manus; non minori utilitate commendantur extrema inferiora, quibus alternè agentibus ad varias directiones impellitur corpus, movetur, saltando elevatur, progrediendo transfertur, denique in variis positionibus sustinetur. Fractis Femoribus, aut ossibus crura constituentibus, satis superque hi usus comprobantur.

§ I.

INTER varia corporis ossa, magnitudine, longitudine, mole distinguitur os Femoris; figuram ferè cylindricam refert, si tamen partem ipsius posteriorem excipias; in directione suâ longum, antè leviter incurvatur.

IN Femore distinguuntur, pars media seu corpus, & extremitates, quarum una superior, inferior altera. Pars media, præcipua, compactâ & solidiori ossis substantiâ constituitur; faciem, antè semi-cylindricam, posteriùs verò in utroque latere depressam exhibet, lineâ asperâ divisam, quæ ab utroque trochantere orta ossis longitudinem posteriùs decurrit, & inferiùs discedens versùs condylum utrumque terminatur, sicque ibi spatium complanatum & triangulare describit. Posteriùs etiam conspicitur ductus substantiam ossis decurrens, quo vasa interiùs transmittuntur.

Os compactum in medio, canalem habet reticulari substantiâ intertextum, medullæ continendæ dicatum; minùs compactum fit pro ut versùs extrema tendit, eaque est ipsius substantiæ dispositio, ut progrediendo lamellæ constituentes ab invicem discedant, sicque ibi os fiat cellulare & spongiosum.

IN extremo superiori caput, collum & tuberositates, vulgò

trochanteres dictæ , annotanda. Caput eminentiam globosam ferè , cartilagine lævigatâ obductam , collo tenuiori & oblongo suffultam offert ; ab extrâ obliquo tractu internè superiùs & anteriùs tendit , ita ut pars capitis præcipua superiùs spectet & cum ossibus innominatis articuletur. In junioribus veram exhibet epiphysim , tuncque motu violento , vel quâlibet causâ minùs gravi quandoque ab ossè discedit ; contrâ ætate progrediente cum ossè fortiùs coadunatur , agenteque causâ quâlibet violentâ potiùs frangitur. Infra mediam convexitatem capitis , in foveâ ferè semi-lunari adhæret ligamentum , rotundum vulgò dictum , licet leviter complanatum , quo cavitati cotyloideæ connectitur Femur.

INFRA caput conspicitur collum , in medio depressum , rugosum & inæquale , situm interiùs , sæpiùs obliquè , transversim quandoque tendens ; parti ossis superiori & internæ adhæret.

TROCHANTERES ab usu nomen acceperunt ; in majorem & minorem distinguuntur. Major posteriùs & externè basi colli implantatur ; apicem efformat posteriùs spectantem , leviter concavum , internè inæqualem , cui plurimi musculi Femoris rotatores terminantur. Minor posteriùs & inferiùs situm habet ; intrò vertitur ; huic etiam adhærent musculi. Trochanter uterque posteriùs eminentiâ majori , oblongâ , obliquè decurrente inter se unitur ; anteriùs etiam inter utrumque spectatur linea rugosa , obliqua , minùs elevata , latior , quæ basi colli terminatur.

EXTREMUM Femoris inferius , latum , crassum , basim offert tibiâ suffultam. Hîc annotantur præsertim eminentiæ duæ majores , anteriùs unitæ , in modum trochleæ leviter excavatæ , posteriùs verò ab invicem spatio majori disjunctæ & protuberantes , condylorum nomine designantur. Internus unus , si seorsim spectetur , longior apparet ; si verò in corporis situ naturali perpendatur , vix excedit & positionem habet cum altero parallelam & ferè æqualem ; externus latior anteriùs paululùm protuberat. Posteriùs inter utrumque fovea major , plurimis foraminibus conspicua excavatur ; hîc inæqualis superficiès , & versùs condylum

internum inferiùs, externum verò supernè annotantur facies ligamentis cruciatis accommodatæ. Carrilagine lævigatâ in totâ extensione obducuntur condyli, sicque non tantum tibiæ flexionem, verum etiam tibiâ flexâ, ipsius suprà os Femoris rotationem admittunt.

CAVITATE cotyloïdeâ profundè insculptâ, cum ossibus innominatis enarthrosi supernè fortiter articulatur os Femoris, & ligamentis retinetur; infernè cum tibiâ per ginglymum jungitur, & ibi suprà ipsum patella movetur.

MAJOREM extremi inferioris partem constituit os Femoris; solum sustinet corporis pondus, si uno tantum Femore innitamur; illud verò alternè partitur cum altero, dum ambulamus, dum unoquoque Femore corpus fulcitur; lineam gravitatis corporis alternè ab uno ad alterum transmittit, vectemque longiorem offert & fortiolem quâ musculi potentiores truncum in femur, aut femur in truncum & tibiam movent, axim denique præstat quâ truncus suprà Femur, vel Femur suprà truncum rotatur.

JUXTA trunci longitudinem obliquè extenditur quod libet os Femoris; in parte suâ superiori ab altero invicem discedit, dum inferiùs ad alterum approximatur. Ex illâ dispositione obliquâ condylus uterque in eâdem lineâ situm obtinet, licet in osse Femoris à corpore separato condylus internus longior videatur. A directione colli repetendus ille situs, indeque deducenda ratio quâ gravitas corporis non secundum axim Femoris agit, sed secundum lineam mediam inter caput & corpus ossis, sicque tendit versùs partem internam articulationis genu. Hinc etiam si vires non agant directè in partem mediam ossis, oritur potius colli Fractura, dum aliæ partes non franguntur & resistunt.

§. II.

DE Fracturâ colli Femoris siluère Veteres; ipsis parùm cognita fuisse videtur hujus - ce mali indoles, vel saltem pro alio morbo, luxatione putâ, habebatur. Non rarus tamen ille morbus, eumque extrâ omne dubium evincunt

5
quàm plurimæ Neotericorum observationes. Huic non obstat
partis structura ; favent potius textura ossis cellulosa & mi-
nùs resistens , colli angustia præ cæteris partibus , ejusdem
positio lateralis & obliqua intrà axim motûs.

SIMPLEX ut plurimum hæc fractura , situque tantum
differt modò superiori propè caput , modò inferiori propè
corpus ossis ; quandoque etiam composita , si collum fran-
gatur in plures partes ; aut complicata , quando frangitur
magnus trochanter , lacerantur muscoli , contusione majori
partes afficiuntur , &c.

CAUSA quælibet fortiùs agens in Femur , collum ejus
frangere valet. Rumpitur equidem frequentius pars media
in aliis ossibus oblongis , quàm extrema ; sed si ratio ha-
beat positionis & structuræ colli Femoris , hujus fracturæ
facilitas patebit , unde lapsu vel ictu quolibet Femur im-
pendente , in illam præcipuè partem , quæ magni trochan-
teris nomine designatur , sequitur potius fractura quàm
luxatio , si quidem ad hanc , cæteris paribus , majores
requirantur nifus & violentia.

HUJUS-CE fracturæ signa veteribus ignota , tanquam
alterius morbi indicia perperam habebantur , si quidem
apud eos perfectum hac de re silentium , nullaque diagnosi.
Non item apud recentiores ; observationibus edocti , morbi
naturam exposuerunt eruditè , signaque certiora attendenti
cui libet perspicuè obtulerunt. Dignoscitur autem hæc Frac-
tura dolore acutiori in parte Femoris superiori propè
inguen , impotentiâ motûs , longitudine auctâ vel immi-
nutâ pro ratione dimotionis ; extrâ prominet magnus tro-
chanter , faciem anteriorem ossium ileorum premit , perci-
piturque crepitatio , dum partes fractæ ad invicem accedunt ;
Femur fractum ab altero dimoverit nequit , nisi cum dolore ,
contrâ absque sensu doloris ad alterum accedit ; sed præ
cæteris certius indicatur positione genu & extremi pedis
exteriùs spectante cum inflexione genu (a).

(a) Hæc signa dilucidè exposita , observationibus confirmata , am-
plius consuli possunt , in Tom. IV , Comment. Reg. Chir. Academ.

P E D I S licet extremum intrâ vel extrâ moveri possit, à motu tamen abstinendum, ne dolor, inflammatio, laceratio, febris, aliaque accidentia augeantur.

A B S E N T E dimotione ossis in primis temporibus minùs facilè dignoscitur morbus; ab impotentiâ motûs, crepitatione & minori resistentiâ, tunc judicium habeatur.

E A D E M ferè signa separationem colli in junioribus indicant: ab ætate ægrotantis, minori violentiâ externâ, suspicio tantùm instituenda, alioquin pro fracturâ potest haberi.

H I S expositis fracturam colli Femoris à luxatione distinguere licet: in luxatione enim resistit os in hoc vel altero situ positum; extremum pedis in directione capiti oppositâ vertitur, & ad aliam directionem, etiam cum dolore acutiori, sæpiùs revocari non potest; accidentia denique magis vel minùs urgent pro capitis situ. Non item in fracturâ colli Femoris.

Ex naturâ suâ difficilè admodùm curatur hic morbus; motûs difficultas, claudicatio, membri abbreviatio ipsius curationem sæpiùs sequuntur, inde pater quænam debeat esse ipsius prognosis. Cautè tamen & prudenter invocanda omnia Artis auxilia; ab iis multùm sperare fas est, promittere verò certi aliquid vix licet.

A D curationem hujus - ce fracturæ, eadem ferè ut in aliis Fracturis curandi norma. Itaque si partes fractæ à propriâ sede dimoveantur, ut fiat reductio; 1^o. propè pedem lateris ægrotantis applicanda extensio; 2^o. laqueo intrâ fenum inguen disposito, & suprâ ileum ejusdem lateris retento, dum mantili circulariter appposito fixum corpus retinetur, contra - extensio celebranda. Partibus ita dispositis, ab omni compressione & irritatione immunes muscoli minùs resistunt, viribus extendentibus facilè cedunt, parsque

Mémoire sur les Fractures du col du Femur. Annotantibus Clar. Magistris Foubert, Louis, Sabatier.

fracta ad locum debitum tutius revocatur. Attendendum tamen in reductione, ut partes fractæ paululum ab invicem discedant, ne sibi obstant ossium asperitates; partibusque mollioribus circumstantibus lacerationem aut irritationem inducant.

FACILIS equidem partis fractæ reductio, difficilis verò ejusdem post reductionem in sede propriâ retentio, ob actionem musculorum in parte superiori femoris infixorum. Ad hunc finem parùm competit fascia vulgò laudata, quæ spica dicitur; nocent etiam laquei quibus tunc pars extensa retinetur, unde plurima sequuntur accidentia, quæ ipsorum usum ablegant. Minùs noceret fasciato à Clar. Duvernay proposita (a) quâ mediantibus fasciis ad figuram partis accommodatis, & cartis fortioribus alligatis pars continetur, fixa dein in totâ suâ extensione ferulis stramineis complanatis. Non magis juvaret machina à Clar. M. Bellocq inventa, rara & complicata; aliunde ipsius utilitari obstat laqueorum usus (b).

SIMPLICIORI methodo morbum hunc feliciter curari experientia comprobavit. Ægro supra stratum convenienter paratum posito, dispositisque ferulis aliisque rebus apparatus constituentibus, ut in fracturâ Femoris, suprâ apparatus reponitur Femur; extensione & contra-extensione sufficienti reductio celebratur, appositisque, in loco agrotante, spleniis liquore idoneo imbutis, pars fixa cylindris stramineis & soleâ tantùm retinetur, super addito arcu ligneo. Simplex ille apparatus à Celeber. M. Foubert feliciter primùm adhibitus, dolores levat, accidentia minuit; mox quidem contractis musculis pars iterùm dimovetur, sed novæ extensiones celebrandæ, bisque iterandæ unoquoque die, primis saltem curationis temporibus. Extensionum necessitatem cognovit Paræus (c), sed harum utilitatem absque apparatu expertus est primus & edocuit Clar. Magister modò laudatus.

(a) *Maladies des Os, Tom. I.*

(b) *Mém. de l'Acad. Royale de Chir. Tom. III.*

(c) *Lib. de Fracturis, Cap. XXI.*

IMMINUTA sensim contractione musculari , rarior fit novæ extensionis necessitas , elapsisque quindecim aut viginti diebus , pars eodem in situ recta & fixa retineretur constrictis decenter ferulis , ut à dispositione requisitâ non recedat. Per tres menses , aut etiam longius , requiritur istius apparatus præsentia ; dein si pars consolidata videatur , cautè sustineatur æger fulcris suffultus , partem parùm moveat donec ad pristinos usus restitatur. Cæterùm temporis spatium ad curationem necessarium ex circumstantiis , ægræ ætate , indole , æstimandum.

IN primis curationis temporibus sanguinis missio plus minus-vè repetita , diæta , potus tenuis , topica , &c. pro accidentibus adhibeantur.

CLAUDICATIONEM comitem sæpiùs habet hujus-cæ fracturæ curatio ; sæpiùs enim pars non consolidatur , partes fractæ ad invicem atteruntur , fit quasi nova articulatio ; aut si consolidari videantur , à musculis circum positis , ligamentis & membranis induratis consolidatio repetenda : unde ambulatio , post fracturam colli Femoris curatam , tanquam certum consolidationis indicium non est habendum.

ITERATO motu & attritu collum Femoris quandoque evanescit ; ossis pars cellularis & spongiosa , mollior , humore pingui madida lensim mollescit , inspectioneque desideratur ; sic pars brevior claudicationem necessariò importat.

CURATIONE & deligatione methodicâ & longiori vitium istud vitatur , præsertim in junioribus ; in ipsis , cæteris paribus , faciliior & promptior consolidatio , verus quandoque formatur callus ; non item in senioribus.

FINIS.